

御制詩二集

第一函
第二冊

御製詩二集卷之五

古今體詩七十六首

甲子五

季夏朔日作

溫風協律應林鐘宵旰籌軍更繫農慰念中

宵沛甘澤

自

未蒙繼

方壇將事普被甘霖經旬

霑灑已覺

溽暑頓消

黍禾滋茂

茲當季夏開

之兆可期籌

憂心遠

嶠伏邪

蹤人主

旰食宵

弛憂勤惕厲

甫慶渥澤

之優沾

又慮萑苻

之

未靖雖零星

餘匪不難

一鼓全除

然使其多

延一日殘喘

則閭閻恐

不能無

累是以休徵

符念轉切

籌軍

閭閻寧謐

誠

難覲禾黍豐盈不易逢敬籲

考慈祈

帝佑康年遍錫速消鋒

軍事係一方之寧擾雨暘疇天下之歎豐

一人咨傲惟勤猶賴佑則降康消沴

天考鴻慈垂鑒惴忱而慶綏屢也

夏日芳碧叢

廣庭納曙涼脩竹含濃翠露珠滴浮筠隱約
清芬寄晨起雞未鳴力勤斯不匱夜氣勿梏
亾須存方寸地內照旣虛明庶可圖政事一
事一理該萬幾萬殊備情僞固紛來發仁止

於義竭誠養蒼生彊勉思郅治

清暉閣避暑吟用唐杜甫曲江三章韻
筠簾半捲層閣高喬松謾謾翻寒濤披章隱
几揮塵毛清虛爽塏不知暑炎蒸湫隘憐爾
曹

治民莅政必師古渴望兵戢清宿莽黎元困
苦難悉數休息蒼生漸小康如遭旱暵逢霖
雨

地迴都忘伏暑天勅幾之暇親硯田紗疏綠

展石徑邊授時暄潤幸符願靜俟今秋報有
年

熙春園觀稼

季夏暘雨喜和調時有快澍霏中宵夜沛晝
霽合農諺西成希沐

天澤饒午前咨政乘幾暇肩輿莅止觀多稼
欣見禾黍盛陌阡漫覽花柳紛亭榭民艱繫
念重出功知依力穡古籍同孜孜宵旰何所
願所願直省歌綏豐

田家雜占云天下太平
夜雨日晴言滋益禾黍

而不妨工作也自月朔以來屢應此占於茲
園量驗地脈流覽嘉生已極青葱茂想見
四野同斯潤景稔獲可期尤冀六合內樹藝
之區均沐休徵綏豐通告則目前所遇與心
之所期皆
適我願矣

長春園泛舟卽景

園接長春御苑東天然勝槩境相同棹開柳
渚鴨頭綠舟過荷亭雁齒紅山樹浮波滴蒼
翠樓臺倒影印空濛澄暉朗映光清潔鑒水
觀心表裏融

喜雨

六月初五日夜

嚮晨微灑未深透入夜甘霖遂暢飄不疾不
徐全潤地旣霑旣足喜通宵滋培多稼益茂
茂朗耀朝曦淨沕寥肅又符徵誠感慰寅承
帝佑錫豐饒連日薄暮陣雨間作溽潤綿連而鬱蒸未解昨初五日夜甘霖達曙不疾不徐旣霑旣足初六日晨光放霽清風吹雲於禾稼暄曝滋長無不合宜真天恩之貺恰如人意也敢不凜惕欽承爲農民額手深慶乎

映清齋

前渚停舟問佳境緩登石砌轉方塘水光清
接林光澹扇式房連弓式廊沸鼎茶聲徐浥

露繞簾篆影靜留香世途躁熱奚能達滌盡
苛煩漸爽涼

思永齋

廣厦虛明納遠風紗疏蔭綠樹玲瓏靜思齋
額含精蘊善始先籌慎厥終

萬幾繁簡運心源敬慎臨民舊典存永念先

言勤效法勉圖郅治養黎元皋陶謨曰允迪厥德謨明弼諧

蓋皋陶爲帝謀禹然其謀而復問其所以行
皋陶曰慎厥身修思永謂行上謀者當謹慎
其已身而修治人之事思爲久長之道旨哉
斯言固已得萬世治平之要矣取古人名理

之言爲園林宮室之額以期目擊道存勉圖
邾治爲惠養黎元之本庶幾於修己治人加
省察焉

泠然閣

洞開北牖俯滄浪暑氣全消納午涼一榻松
風拂簾幙兩廊松韻戛笙簧波奩倒影分青
嶂林幄含薰漾綠楊靜覺泠然滌塵慮返觀
心鏡現輝光

詠扇

三時棄置一時忙揮灑風生暑退藏深感塵

襟多躁熱偶從紈袖效飛揚五明渴望名賢
輔六角休矜重價償舒卷樞機歸掌握堅持
大柄易炎涼

蜀中餘匪尙未蕩平詩誌憂悶

厭亂

天心應轉移白蓮餘孽尙紛馳兵能迅速斯
能掃機患因循不患遲螟蠶蕩除總無日黔
黎安謐盼難期將疲士懈皆予咎宵旰焦愁
莫我知蜀中所存餘匪混淆散漫三五爲羣
詐爲鄉勇偽託流民或匿叢薄處所

防範稍疎則仍復肆其盜竊爲患於窮僻鄉
間散漫則芟蕪爲艱混淆則草菅堪憫而餘
孽稍留總爲地方遺害是以嚴飭經理之臣
上緊搜捕務絕根株然曠日持久未報淨盡
爲之焦厘豈諸臣未悉予
憂民之切而爲是遲遲耶

荷亭納涼

芳沼盛朱華映日清光皓漪瀾漾幽芬遊鱗
穿荇藻遠汀送涼颼漸覺來少皞纔覩葉田
田轉睫蓮房老緬懷君子風晤對杼襟抱惜
陰勿蹉跎前修胡不早淮南子云聖人不貴尺之璧而惜寸之陰
陶侃云大禹聖人乃惜寸陰至於衆人當惜分陰撫時序之遷流觀化機之鼓盪芸生總

總日新不窮君子所以於茂時育
物之中壘壘自修而不敢荒悞也

雨

六月十二日

西嶺族雲起須臾滿太虛甘霖暢滂沛煩暑
頓消除禾黍繁滋浹園林清景舒時行潤多
稼歲美驗農書

秀清村

水村境佳妙得暇每探尋時有清風至全無
溽暑侵澄波通別渚密蔭罨喬林石舫依青
嶂板橋跨碧潯欲循廊曲折先轉徑嶽峯延

賞理歸棹勅幾繫寸心

耕雲堂

堂俯平皋十畝寬
水田穠稔漾微瀾
鋤禾布穀農時要
犁雨耕雲民力殫
何暇亭臺耽玩賞
先知稼穡最艱難
心希直省多豐稔
歲美方期庶姓安

先知稼穡古訓所崇而寰宇至廣陽雨之時不同耕耨之期不一人運至誠於宵旰以期薄海告豐願大望奢敢云克副惟孜孜不敢稍懈勤民之念庶邀天鑒

而錫康年也

清暉閣晚坐吟

御園第一避暑地喬松密蔭遮驕陽棟宇深
邃氣清潔涼颼習習來修廊幾餘養志宜靜
攝偶遊藝府吟短章爲君奚可有所好去聲一
人動靜天下望檢束身心歸尺度寸衷偶放
聖作狂憂民之憂未得息三代哲后不敢康
廣居寢興自高爽市井湫隘酷熱藏君民一

體勞逸判縈懷胞與難暫忘

先天下之憂而憂後天下之樂

而樂一人之勤於宥密也夏暑雨小民惟曰怨咨冬祁寒小民亦惟曰怨咨一人之心於天下也宋玉風賦之判雌雄蘇軾雨晴之異耕刈風喻有可取者此所以身居廣居而藁

門圭竇之情爲君
者不敢忽置者耳

涵秋堂

御園敞豁消煩滃臨水虛堂夏似秋層疊波
匳翻碧浪嶙峋石瀨激清流蕭蕭松拂簷頭
爽嘒嘒蟬鳴葉底幽每向幾閒觀代謝經年
勤政爲民謀王省惟歲則箕畢從星也食哉
惟時則鞠謀厘念也七月無逸
之孜孜者豈敢忘
民生在勤之訓乎

文源閣觀書敬誌

聖皇首出治民生七閣藏書集大成誰見鴻

文珍二酉好探秘府趁三庚味腴咀嚼涵佳
妙溯本淵源養潔清師古幾餘勤典學尊聞
紬繹勉存誠學于古訓乃有獲惟學遜志務
時敏念終始典于學說命三稱
學而繼之以監于先王成憲其永無愆古聖
王求多聞以時建事孳孳於學如此我
皇考聖由天縱學本生知猶復汲汲於前猷
往訓以崇道德之原建立七閣集成四庫開
千古文治之盛卽滙千古學海之歸予小子
監于成憲勉強尊聞敢不進德修業而存於
誠耶

溪亭納涼

臨溪亭子納薰風溽暑全消灝氣通柳滴平

湖蘸深綠荷開遠浦送輕紅
延清山樹閒雲外倒影樓臺
明鏡中幾暇遊心親翰墨芸
箋緩拂硯池融

題董誥墨莊覽勝畫冊

紅杏書樓

萬笏蒼茫插遠天
喬松紅杏滿樓前
白雲初起連林靄
中有高人讀古編

萬柳書堂

春水淪漣拍柳堤
千絲萬縷綠初齊
虛堂靜